

KGOPOTŠO: NAKO YA MAKGAOLA KGANG YA POELANYO YA NAKWANA YA DIPUKU TŠA MONGMOŠOMO E BATAMETŠE

Pretoria, 22 Oktobore 2019 - Bengmešomo ba gopotšwa gore ba na le dibeke tše pedi fela pele ga ge sebaka sa pušetšo ya motšhelo ya Poelanyo ya Nakwana ya Dipuku tša Mongmošomo e tswalelwa ka la 31 Octobore 2019. Nako ya pušetšo ya poelanyo ya dipuku tša mongmošomo e butšwe ka la 23 Setemere 2019.

Bjale ka baswarakabelo le balefela motšhelo ba bangwe, bengmešomo ba laletšwa go swarišana mmogo le SARS ka go aga fisikase bakeng sa lenaneoothero la tšwetšopele ya Afrika Borwa. Bakeng sa ngwaga wa ditšhelete wa 2017/2018, PAYE e dirile 96.4% ya palomoka ya Motšhelo wa Letseno la Mong leo le kgobokeditšwego (*Tšhupetšo: SARS' 2018 Tax Statistics publication, Chapter 1, Table A1.4.2*).

Sebaka sa poelanyo ya nakwana ya dipuku tša bengmešomo e akaretša dikgwedi tše tshela tša nako ya ditransekšene go tloga ka la 1 Matšhe go fihla ka la 31 Agosetose mola poelanyo ya ngwaga ka ngwaga ya mafelelo e le ya ngwaga ka botlalo wa motšhelo go tloga ka la 1 Matšhe go fihla ka letšatši la mafelelo la Feberware, gomme e swanetše go romelwa ka Aprele le Mei. Se se laetša palo tše pedi tša ditaodišo tša dipoelanyo tšeo bengmešomo ba swanetšego go di dira mo ngwageng wa kelo go tiišetša gore ditefikeiti tša bašomi tša IRP5/IT3(a) di fiwa ka nako bakeng sa go faela metšhelo ya letseno la mong ka setlha sa motšhelo.

Ka nako ya dipoelanyo, mongmošomo o swanetše go tiišetša goba go phošolla dipalo tšeo di laodišitšwego mo dikgweding tše tshela tša mathomo tša ngwaga wa motšhelo bakeng sa Lefela bjale ka ge o gola, Levi ya Tšwetšopele ya Mabokgoni (*Skills Development Levy*), Dikabelo tša Inšoreense ya go se Šome (*Unemployment Insurance Contributions*) le Dikgoketšo tša Motšhelo wa Khiri (*Employment Tax Incentive-ETI*), gammogo le ditefelo tšeo di dirilwego le boleng bja motšhelo bjo bo laeditšwego go ditefikeiti tša motšhelo tša bašomi a bona tša IRP5/IT3(a). Dielemente tšeo di swanetšego go boelanywa ke ditaodišo tša kgwedi ka kgwedi, ditefelo tšeo di dirilwego – go sa akaretšwe dikotlo le ditefelo tša ditswala – le boleng bja Lefela ka ge o gola, Levi ya Tšwetšopele ya Mabokgoni, le Dikabelo tša Inšoreense ya go se Šome ya tšeo di laeditšwego go ditefikeiti tša IRP5/IT3(a).

Magareng ga diphetogo bakeng sa dinako tša poelanyo ya nakwana ya mongmošomo, ke gore Kgoketšo ya Motšhelo ya Khiri e katolositšwe ka mengwaga ye lesome go 2029. Kgoketšo ya Motšhelo ya Khiri (ETI) ke kgoketšo yeo e nepilego go hlholeletša bengmešomo go hira baswa bao ba nyakago mešomo. E fokotša theko ya go hira baswa ka go fokotša palo ya Lefela ka ge o gola (PAYE) yeo e kolotwago SARS ntle le go ama megolo ya bašomi. Bengmošomo bao ba khwalifayago bakeng sa hlokego ya Dikgoketšo ba swanetše go romela dipoelanyo tša EMP501 pele ga mafelelo a Oktobore go kleima palo enngwe le enngwe ya kgwedi ka kgwedi ya Dikgoketšo tšeo di sa kago tša dirišwa mo dikgweding tše tshela tša mathomo (Matšhe go fihla ka Agosetose).

Bengmošomo bao ba sa romelego le go kleima mo dikgweding tša mathomo tše tshela (Matšhe go fihla ka Agosetose) ba tlo loba ke krediti efe goba efe ya Kgoketšo ya Motšhelo ya Khiri yeo e swanetšego go lefelwa go bona.

Bengmešomo bao ba letelago go romela ka nako ya Poelanyo ya Ngwaga ka ngwaga ba tla kgona go kleima palo ya krediti bakeng sa nako ya bobedi ya dikgwedi tše tshela (Setemere go fihla ka Feberware), eupša e sego ka nako ya dikgwedi tše tshela tša mathomo.

Dikaonafatšo

Sebaka sa Poelanyo ya Nakwana ya dipuku tša Mongmošomo se na le dikaonafatšo tšeo di latelago:

- Foromo e mpsha ya HTML5 go eFiling bakeng sa koketšo e ntši ya tirišo le nako ya maleba ya go romela molaetša.
- Dikhoutu tše mpsha tša mothopo di tsentšwe foromong go karolo ya the IRP5/IT3(a) tšeo di laetšago dimphafatšo tša semolao tšeo di hlokegago mo ngwageng wa gabjale wa motšhelo.
- Tshepetšo e bonolo ya go tiišetša ditlhakantšho tša motšhelo wa khiri bakeng sa ditefikeiti tša IRP5/IT3(a)
- Setatamente sa akhaonte sa sebaka sa pele ga 2008 se ka kgopelwa.

Dikanale tša go faela

SARS e@syFile™ Employer ke platfomo yeo e akanyeditšwego go thuša balefela motšhelo bao e lego bengmešomo goba balaodi ba megolo, go laola merero ya bona ya motšhelo. Bengmešomo ba ka faela ka eFiling goba e@syFile™. Ka eFiling, go fihla ka palo ya ditefikeiti tše 50 IRP5/IT3(a) di ka romelwa mola ka e@syFile™ palo ga e kgaoletšwe. Go faela ka

lekaleng go kgaolelitšwe go ditefikeiti tše hlano fela.

Go ngwadiša bašomi bakeng sa motšhelo wa letseno

SARS e tšweleditše tharollo ya go ngwadiša ka mokgobo go e@syFile™ bakeng sa bengmošomo bao ba ngwadišago bašomi ba bona bakeng sa motšhelo wa letseno gape le go hwetša dinomoro tša letseno la motšhelo ka go itiriša bakeng sa bašomi bao. Se ga se hloke gore mošomi a ka etela lekala la SARS go hwetša nomoro ya motšhelo wa letseno.

Bakeng sa tshedimošo enngwe ka kgopelo taonelouta "[SARS e@syFile™ Employer User Guide](#)" goba "[A guide to using eFiling to register an employee](#)". Molefela motšhelo a ka ikgakaganya le contact centre go 0800 00 7277 bakeng sa go hwetša thušo.